

一強盜殺人放火姦人妻女劫庫情真者奏請
得旨之日再審無寬即時處決梟令

一京營洗改文冊增添官軍姓名盜支官糧追
贓完日比照邊倉事例充軍守哨職官奏
請例

成化伍年四月十三日大理寺卿王 等題為
查苑官軍口糧事該刑部廣西司發審犯人劉
福招任虎賁左衛中所副千戶成化四年十月
內有顯武營把總指揮僉事陳璽慮恐本營官
軍口糧文冊於內多有事故等項不曾扣除委
福同脫逃百戶樊昇查算攢造文冊三本一本
繳送坐營都督劉聚一本繳送撫寧侯朱永一
本繳送右軍都督府轉送戶部本年十一月分
有本營官軍指揮張鐸等一千八百五十六員
名該支米七百四十二石四斗福與樊昇糾同

軍人馮玉并脫逃曹榮劉能陳昇各不合要盜
支糧米將該送戶部糧冊赴右府用印鈐蓋領
出却將摠數洗改添作二千二百五十六員名
支米九百二石四斗內多寫官軍四百員名盜
支糧米一百六十石福分米三十石馮玉樊昇
各分米二十石劉能曹榮陳昇各分三十石本
年十二月福等又將官軍張鐸等一千八百七
十三員名該支米七百四十九石二斗文冊內
總數洗改添作官軍二千三百六十三員名支
米九百四十五石二斗內多寫官軍四百九十
員名盜支米一百九十六石福分米四十石馮
玉劉能曹榮樊昇各分三十石陳昇分米三十
六石咸化五年正月內福等入將官軍指揮臺

昇等三千四百八十員名該支米九百九十二
石總數洗改內添官軍七百五十員名盜支米
三百石福與樊昇各分米四十石馬金分米七
十石曹榮陳昇劉能各分米五十石俱各賣銀
入已被指揮陳重查出前弊具呈劉聚震奏送
刑部廣東清吏司奏拏福等到司問擬絞罪二
次具本發大理寺審錄為因招擬未明駁回再
問罪犯米每石直鈔二十五貫馮玉招同脫逃
樊昇等另行議得劉福馮玉所犯俱各依常人
盜倉庫錢糧但得財者不分首從八十貫律各
絞劉福照例送兵部發邊衛上功五年滿日還
職仍回原衛所帶俸差操不許管軍管事馮玉
照例做工五年滿日着役審擬合律查得近該

刑部題稱順天府所屬通蘇州等處俱係緊要
收支錢糧去處今後遇有偽造文書偷籌盜糧
誑攬糧價等項拏問追究糧單俱照邊境倉場
事例連當房家下發邊衛充軍原係腹裏衛分
軍人發邊衛常川守哨軍民職官奏

請發落等因成化伍年二月二十七日日本部官具題奏

聖旨是欽此欽遵今照劉福馮玉等洗改文冊增添軍官
姓名盜支官糧數多比之偽造文冊偷籌盜糧
情犯尤重若照常例發落無以警戒將來況在
京各營官軍似此盜糧者合無將見在劉福馮
玉并脫逃樊昇等拏問俱照前例追贓究日馮
玉係腹裏軍人連當房家小發邊衛常川守哨
劉福係戍官伏乞

聖明區處仍行本部并都察院遇有此等因犯俱照前例發
落數內劉福係軍職論功定議及係事例未敢
擅便具題奉

聖旨是這廝每盜支官糧數多難照常川劉福發邊衛充
軍馮玉發邊衛守哨俱家小隨住欽此